

U Gimnaziji „Tanasije Pejatović“ organizovan događaj pod nazivom „ Globalni školski dan za igru“ 06.02. 2019.godine naša škola pridružila se globalnoj aktivnosti pod nazivom : „Global School Play Day“.

Riječ je o međunarodnom događaju koji se organizuje u cijelom svijetu ,u kojem je prošle godine učestvovalo 390 000 učenika/ca iz 58 zemalja svijeta.

Dan igara u školi (Dan bez telefona i kompjutera ) organizovale su i realizovale profesorice : Mirka Popadić, Ljiljana Ranevski, Adisa Malagić i Tanja Dragašević.

Uključeno je oko 120 učenika naše škole.

Posljednjih godina ,nažalost, svjedoci smo da masovni mediji i savremena tehnologija negativno utiču na socijalizaciju djece. Otuđenje (alijenacija) ,komunikacija putem društvenih mreža je nešto što je postalo sastavni dio života svakog učenika a komunikacija licem u lice biva sve više zapostavljena .Cilj cjelokupne aktivnosti jeste da djecu bar jedan dan odvojimo od mobilnih telefona i kompjutera ,ukažemo na značaj međusobnog druženja i komunikacije jednih sa drugima jer su djeca danas sve manje povezana i ne nalaze se uvijek u zdravom okruženju.

Igra je jedno od bitnih obilježja svakog čovjeka, homo ludens –biće koje se igra.

Igra je sastavni dio života svakog čovjeka i od vitalnog je značaja za cjelokuni razvoj njegove ličnosti.Svijet igre je svijet slobode, samopotvrde vještina, talenata i neprekidne aktivnosti.

Kroz igru se najbolje uči, razvijaju socijalne vještine i talenti ,empatija i prepoznaju sposobnosti i kvalitete djece.Kroz zabavu i druženje učenici proširuju svoja znanja , rađaju se nove ideje i stiču dragocjena iskustva o svijetu koji ih okružuje.Igra pruža mogućnost djeci da kroz maštu i kreativnost zadovolje svoje potrebe i ostvare svoje želje.Igrom se stvaraju uslovi za formiranje emocionalno stabilne , socijalizovane i kreativne ličnosti, jednom rječju pripremamo djecu za aktivan život u društvu.

Današnja aktivnost pokazala je nešto veoma dragocjeno i vrijedno, a to je veselo i bezbrižno djetinjstvo kojem smo se vratili bar na trenutak zaboravljajući na svakodnevne brige i probleme, .Svuda se mogao čuti dječiji smijeh i vidjeti nasmijana lica. Prepuni entuzijazma i ushićenja učenici su sa velikim uživanjem i voljom učestvovali u igrama a zadovoljstvo prosto zračilo iz njih. Zato učinimo sve što je u našoj moći da im stvorimo uslove za ljepšu i bezbrižnu budućnost jer su oni naša snaga i izvori sreće i zadovoljstva.

**Adisa Malagić, prof.**